


RELATION
de ce qui s'est passé de plus
remarquable *La Montagne*

DANS LA MISSION *ABNAQUISE*
de *Saint Joseph de Sillery* et de
SAINT FRANÇOIS DE SALES,
l'Année 1685,

*Par le R. Père JACQUE BIGOT, de
la Compagnie de Jésus.*



À MANATE:
De la Presse Cramoisy de JEAN-MARIE SHEA.
M. DCCC. LVIII.





TABLE

DES MATIÈRES.

L <i>ETTRE</i> du Père JACQUE BIGOT, écrite au mois de <i>Juillet</i> , 1685,	5
--	---

—
M



au

no
an
h
m
m



PREMIÈRE LETTRE.

Mon R^d Pere

Pax Ch.



E veux enfin satisfaire
parfaitement V. R. et
luy faire scavoir mesme
lestat de nostre mission ,
ne me contentant plus
comme iay fait iusqua
present de la Renuoyer
aux Relations generales de ce pais.

Ce que iapprehendois de la Maladie dont
nos sauuages furent attaquez lan passé est
arrivé , ils ont presque tous languis cet
hiuert et quelques vns sont encor assez
mal : tous ont continué de prendre cette
maladie de la maniere que ie vo. mandois

lan passé , ils ont la plus grande Soumission du monde a la Ste Volonté de Dieu et font paroistre dextremes desirs de luy satisfaire pour leurs fautes passées. Nous auons Baptisé la pluspart de ces malades dabort quilz ont este vn peu Remis : ie ne puis Exprimer les empressements quilz ont fait paroistre pour Receuoir le St Baptême et depuis quilz lont resceu ie nen ay veu auquun se relascher de sa ferueur. Outre ces malades nous auons Baptisé cette année vn grand nombre de ieunes garçons aagés de 18 a 20 ans : ien Baptisé 7 il y a quelque temps tous ensemble qui sy estoient preparez dune maniere qui me charma. En les Baptisant cette pencee moccupa continuellement pouroit on souhaiter vne plus grande ferueur et modestie en des personnes R^{es} que ien vois en ces 7 ieunes hommes : ie proposay à deux de ses ieunes hommes quelques iours apres leur Baptême de maccompagner dans vn Voyage que ie futs obligé de faire dans l'hiuert pour Baptiser vne Moribonde qui auoit besoin dinstruction. Dabort que ien dit a ses ieunes gens que la Charité demendoit cela deux , il furent en vn moment prest

pou
lieu
de

les
mi
qu
me
que
tou
que
tier
con
vra
me
de
auc
qui
qui
tou
leu

fy
de
voi
me
vo

pour ce voyage qui estoit de quarentes lieues par des chemins qui nous donnerent de Lexercise.

La ferueur est autant maintenant parmi les hommes et les ieunes gens de cette mission qui sont en fort grand nombre qu'elle a esté parmy les femmes au commencement de l'establissement ie vous auoue que cela me Ravit depuis 8 ou 9 mois de tous les hommes et ieunes gens ie nen vois que trois ou quatre qui ne soient pas entierement dans le bien et qui recoiuent de continuelles reprimendes de ceux qui sont vrayment conuertis. Plussieurs hommes me temoignent dextremes empressements de voir icy le Reste de leurs parens prier avec eux : il y en a que iay laissé aller et qui sont Reuenus icy avec leurs parens et qui se sont conseruez dans le pais contre toutes les sollicitations de debauches qu'on leur a faitte.

Ie vois enfin ce que ie souhaittois il y a sy longtemps les homes prendre les choses de Dieu de la Veritable maniere , ie les vois touchez de Dieu et dans des sentimens que ie ne puis vous exprimer. Croiriez vo bien que iay souuent toutes les paines

du monde à trouuer matiere Dabsolution dans les confessions de la pluspart des hommes et de la ieunesse : ils me paroissent auoir une horeur espouuentable de tout ce qui peut bleffer tant soit peu la pureté et ils s'expliquent dvne maniere qui me surprend sur les moindres mouuements qui leur viennent la dessus. Cet amour de la pureté et honesteté sest Rependu insensiblement principalement dans les ieunes gens et sy les 2 ou 3 années precedentes ie vo ay méné lexemple que donnoient icy trois ou 4 sauuages ie vous assure que ien puis maintenant ajouter vne trantaine qui les suivent bien pres. Je nen ay quun seul qui me donne maintenant de la paine pour les femmes et qui est quasy tout gaigné.

Quelques vns qui auoient quitté la mission parceque ie nauois pu souffrir leurs desordres sont reuenus et ont temoigné vne g^{de} douleur de leur fautes et ont déclaré hautement quilz vouloient prier tout de bon et sont parfaitement bien maintenant. Les hommes sont accoutumez aussy bien que les femmes les plus feruentes aux actions de Mortification.

Tous

Tous coururent maintenant esgallem^t a
 Leglise apres auoir entendu la messe pour
 garder ces petites pratiques. Je vous en
 escrivis quelques choses lan passé iaioute
 seulement icy que Dieu donne Benediction
 comme il la Donnée dans les Maisons
 Dexercises de Vennes ou on a Commencé
 il y a sy longtems ces pratiques de pieté ,
 les vnes sont pour porter à lamour de J. C. ,
 les autres pour exiter la Confiance enuers
 la Ste Vierge , les autres pour Donner de
 lhorreur du peché. Outre ces pratiques
 qui sont maintenant communes à toute la
 mission , on a pris aussy la Coutume de
 faire tous ensembles des prieres publiques
 pour ceux qui doivent estre baptisés ou
 faire leur premiere Communion : les prieres
 que lon fait pour ceux qui doiuent estre
 baptisés sont Ordinairem^t presedees dvne
 petite instruction sur le Baptisme et dvn
 Examen pour ceux qui sont Baptisés fils
 gardent effectivement ce quil ont promis
 au Baptisme : ensuite ie fais vne petite
 inuective Contre Ceux qui Demenderoient
 le le Baptisme dans de mechantes dispo-
 sitions.

Il y a quelques iours quil eschapa a vn

de nos fauuges de dire quun francois fort confiderable luy auoit autrefois promis que fil se faisoit Baptiser rien ne luy menqueroit pour viure a son aise. On se Moqua tellement de luy pour auoir dit cette parolle quil nosa pas dire vn seul mot Davantage.

Vn autre estant solifité de fennyurer nayant Repondu autre chose pour sen Exempter finon quil craignoit le Pere qui auoit soin de la Priere , cette parolle fust bientoft Releuée et on luy fit vne Espese de reproche luy Demendant , sy cestoit pour le Pere quil sabstenoit de boire et non pas pour J. C. Je vo auoue que iadmire en vne infinie de rencontres Commes nos fauuges ont des veües pures de Dieu.

Toute cette mision se consacra dvne maniere toute particuliere au service de la Ste V. le iour de Limmaculée Conception et depuis ce temps on a pris avec plus de ferueur que iamais les Stes pratiques pour lhonnorer : no : ornaśmes pour cela le mieux que nous pusmes la Chapelle de N. Dame qui est dans lEglise de Sillery et nous exposames la grande statue que

lon nous a enuoyé par les dernieres vaisseaux : nous nous disons maintenant la messe dans cette Chapelle et on la nomme *ñre Dame de bon secours*. Iespere que la Manière dont nos sauages se sont pris honorer la Ste Vierge durera : ie vous auoüe que cela me Donne bien de la consolation : ie veue souuent apres ma messe le Dogique commencer de luy mesme sans que ien auertisse quelques pratiques propre du temps pour honorer la Ste Vierge : tous les autres continuoients avec luy sans presque quauquun sortit de leglise et cela dans des temps des plus rudes de lhiuert : ien ay veu continuer des ving et trentes iours de suittes et Rendres des Respects tous particuliers a la Ste Vierge. Demende ie vous prie a cette bonne Mere quelle prenne cette mission sous sa protection.

Quoyque nos sauages cet hiuert se soient cabanez plus loin de Sillery cet hiuert ils ne laissoient pas de venir assiduement a leglise et ie vous auoüe que ie portois compassion á plusieurs qui trembloient de froit , nestant qua demis couverts a cause que cette grande maladie leur a osté le moyen de trouuer de quoy

se vestir. La maladie en a Repris quelques vns pour sestre trop presséz de venir a leglise dans ce temps Rigoureux et quand ie leur disois quil ne falloit pas tant se hasterdaller a leglise principalement a cause des temps facheux estant encor malades ; ils me respondoient : que veux tu , ie souhaitte daller a la priere et entendre la messe. Iestois bien aise de mafter confesser.

Vn des plus grands pechez des malades cest de satrister de ne pouuoir aller a leglise : Comme il y auoit grand nombre de malades dans le bois proche de Sillery , les sauuages mont Demende cet hiuert quon fist dans les bois vne espese Deglise ou on fist ensemblement la priere du soir , ce que ie leur ay accordé.

Il nous est mort cette année vn assez grand nombre Denfans , cest vn gain assuré pour le ciel. Quand on est assemblé dans leglise pour enterrer les enfans on fait ordinairement vne priere publique par laquelle ils Demendent à Dieu que Comme ces enfans sont Bienheureux il accorde aussy a tous les X^{ens} de cette mission ce Bonheur esternel. La Derniere fois quon

fit cet priere il faisoit vn froit extreme et neamoin il y auoit vn tres grand nombre de personnes : nous pensames tous geler : ie voyois tous le monde trembler et pas vn ne s'en aller : ie pencé y auoir 3 ou 4 doist tous gelez auxquels iaporté le plus prond Remede que ie pus.

Nous auons perdu cet huiert le Premier Capitaine de Nostre Mission nommé Michel Tek8erimat il est mort dans les bois a fix lieues dicy vis a vis la Coste de Baupré ou il y a grand nombre de françois : il ny auoit que 8 iours quil estoit parti dicy ou il cestoit confessé et communié : dabort quil se sentit frappé de maladie qui na duré que deux iours il témoigna a sa femme quil souhaittoit Extremement me voir auant que de mourir et Receuoir ses sacremens : sa femme qui est la plus vertueuse X^{ne} que no : ayons icy le disposa à la mort dvne Maniere qui ma charmée quand on men a fait le Refit. On Depescha vn sauage pour me venir auertir et on fit auertir vn prestre qui estoit a vne lieue de la , qui neust que le temps de luy donner labsolution & lextreme onction ; pour moy quelque diligence que iaye fait

ie narrivé quapres sa mort , qui a esté fort Regrettée des françois & des sauuages Dont il estoit connu pr estre vn feruent X^{en}. Je puis dire que depuis six ans que ie laye connu ie ne luy ay veu comettre que deux fautes et encore ce fut par surprise et estant Reuenu aussy tost il en fist de satisfactions qui marquoient sa veritable Douleur. Vne fois entre autres faisant vne aumone fort considerable a vne pauvre sauuagesse de cette mission il Declara a tout le monde quil la faisoit pour satisfaire à Dieu de la faute ou il estoit tombé vn iour deuant , ayant vn peu trop beu : puis il exorta tout le monde à fuir lyuognerie ie vo: assure que dans ses Confessions Ordinaires ie ne pouuois presque trouuer matiere D'absolution.

Je nay point encore veu faire dans les Eglises de ses coste icy de seruices plus solemnels que les françois ont fait a ce Capitaine. Monsieur le Général a esté fort touché de sa mort et ie Crois de Monseigneur LEuesque que lorsqu'il apprendra sa Mort quil en sera fort touché , car il laymoit tendrement à Cause de sa pieté No : ne pusme faire conduire le Corps

iufque icy pour l'enterrer avec Ceremonies
 dans le tombeau des Capitaines de Sillery :
 on fift fes funérailles dans LEglife du
 Chateau Riché : fa femme fust prefque
 tout vn Jour a LEglife a prier Dieu pour
 luy et quoy quelle fust fenfiblement touchée
 de perdre cet homme avec qui elle auoit
 vescu dans vne fi grande vnion depuis
 Beacoup d'années , elle me dit quelle se
 foumettoit volontiers a la S^{te} volonté de
 Dieu : elle me pria de la confesser apres
 l'enterrement afin quelle pust communier
 au pluftoft pour le Repos de lame de fon
 mary , n'ayant pu le faire le iour de fon
 Enterrement : elle me dit que lunique
 chagrin quelle auoit cest que fon mary se
 fentant frappé de Maladie Mortelle luy auoit
 fait paroistre d'abord quelque frayeur de la
 Mort , mais que l'ayant Exorté , elle l'auoit
 fait Rentrer dans tous les bons fentim^{ts}
 quelle fouhaittoit : elle a Conuerti depuis
 peu fon frere qui a esté Baptisé a Noel et
 qui me Contente maintenant autant quil
 mauoit donné de deplaisir par fes Dé-
 bauches : elle a auffy Conuerti fa belle
 foeur qui paroiffoit auoir vne grande
 auerfion de la priere : peu a peu elle a

gagné cette ieune Soquoquise avec deux de ses Compagnes , qui sont maintenant de feruentes X^{ennes} : elle me vint trouuer quelques temps auant la Maladie de son Mary pour me Demander sy la S^{te} Vierge trouueroit bon quelle luy presentast quelques fruits de son trauail pour estre distribuez aux plus pauvre de la Missiion : elle me vint aussy prier de luy permettre de faire vne Confession generale : elle souhaitta lorsquelle fut Confirmee quon luy aioutast le nom de Marie a celuy de francoise quelle auoit : ie puis dire en toute verité quelle ne porte point ce beau Nom en vain et quelle fait tous ces efforts pour honorer la S^{te} Vierge. Iay esté oblige de luy retrancher la plus grandes parties de ses Mortifications quelle faisoit dans vn veritable esprit de Penitance.

Quelques temps apres la mort de Tekserimat nous auons perdu deux des plus ensiennes X^{ienne} de nostre Missiion et quelques ieunes filles aagés de 17 a 18 ans qui ont fait paroistre dans leurs Maladies de veritebles sentimens de Pieté.

Nous auons maintenant la moitie de nos sauuages dans nostre nouuel établissement

blissement ou ie suis avec nre frere Meigneray et vn françois pour y accomoder vne petite maison. On y acheva auanthier 28 may lenseinte du fort qui y ont fait nos sauuages.

Il seroit arrivé des le printemps grand nombre de sauuages de LAcadie mais le bruit quon a fait courir dans LAcadie que tous les sauuages estoient Morts les a aresté : il nen est encor deffendu que six dont deux sont repartis promptement pour y aller porter dans leur Pays des Nouuelles des sauuages qui sont icy , dabort que ceux cy auront acheue le fort et les grandes cabanes quilz ont commence il en partira 7 ou 8 pour aller querir le reste de leurs familles. Je ny laisse aller que ceux dont ie suis sur et ils Reuiendront deuant lhotomne. De ceux qui arriueront il y a 3 semaines de lAcadie , il ny en eut quun qui voulut dabort faire le fier et paroistre ne se pas mettre en peine de la priere : il ny venoit que pour y voir son fils , ie luy dits quil y auoit vn mois quil estoit mort et quil ne pouuoit pas douter du Bonheur de cet enfant. Cet homme na pas esté dix iours icy que ie lay trouué tout changé

et fest declare pour la priere et a paru vn des plus feruens a acheuer vne Chapelle au milieu du fort.

Iay donné la Ste Communion le Jour de LAffension a plus de 50 de nos sauuages et ie Baptise le soir 8 adultes : cest tout ce que ie pu faire ce iour la , ie differay les autres qui nauoient pas encor gaigné le Jubilé le 19 iuin a Sillery quoyque iaye demeure assez longtemps dans le lieu de nostre Nouuel establissement , ou ie pretendois que iauois quelque moment de libre pour rapeller dans ma memoire et vous faire vn petit Narré de ce qui ma le plus edifié dans nos sauuages ; a paine ayie pu en tout ce temps vous escrire les 30 ou 40 lignes presedentes. Il arriua il y a deux iours vn domestique de Monsieur St Castin qui me dit quon auoit este charmé a LAcadie de nos Nouveaux X^{ens} qui y font allez a la fin de cet hiuert quils cestoient entierement declarez contre lyurognerie et quon auoit peu en aucune maniere les Corompre. Je me Crus oblige le lendemain Matin den temoigner ma ioye a tous nos X^{ens} qui sont icy dans vne instruction publique dans leglise.

Quelques vns ont esté obligé daller dans le pais des Soquoquis ou le Desordre est extreme pour limpurete et lyuognerie : dans tout le temps quil y ont demeuré ils ont esté constans : deux ieunes femmes ont fait paroistre une Constance admirable. Iay esté ravi des hauts sentimens de Pieté que Dieu leur a donné dans ces dangereuses occasions : vne de celles la me vint prier a son Retour de distribuer aux plus pauvres de cette mission vn bonne parties des viures quelle auoit amassées pendant son voyage : ie luy dits quil ny en auoit pas de plus pauvre que sa Mere et vne de ses cousines et que J. C. agreeroit esgallement cette Aumosne : elle auoit aussy quelques Ornemens de pourfelaine quelle me vint apporter pour lhautel de la Ste Vierge.

Vn de nos Dogiques de qui ie vous escrivis lan passé des choses assez particulieres de sa Pieté rescent il y a vn mois le saint Viatique estant encor Retombé malade de la mesme Maladie que lan passé : il fait paroistre depuis trois mois vne Resignation toute particuliere sattendant bien quil nen Rechapera pas : aussy desquil se

sent vn peu fortifié , il vient aussy tost a LEglise à toutes les heures de Priere reiglees.

Il mest difficile maintenant dans le nombre de sauuages que nous auons dentrer dans le Refit particulier des pratiques de vertu qui ie voit dans les vns les autres : quoy que ie souhaitterois bien le pouuoir faire pour Contenter quelques personnes de ma Connoissances que ie scay auoir vne ioye toute particuliere dapprendre les actions de vertu de nos sauuages.

Ie croyois auoir lhiuert passé plus de temps pour vous donner cette satisfaction , mais on ma donné auec loccupation de la mission vne espece de mission aux françois de Quebec qui ma donné de Lexercise pres de trois mois , partie a my preparer partie a la faire.

Ie me contenteray de vous Dire pour vous donner en general vne idee de lestat ou sont les X^{ens} de cette mission que dans la premiere bande de ceux qui gagnerent le Jubilé qui fust la plus nombreuse , ie ne crois pas auoir trouué vn seul Peché mortel ; ie vous auoue que ien fust quelques iours dans vne admiration continuelle ;

iajoute que dyne trantaine dhommes qui estoients dans le Defordre et pour le vin et pour les femmes q ie nen vois pas trois qui ne soient dans lhonesteté X^{ne} : cestoit de cette trentaine de sauuages que iauois sujet d'aprehender pour nostre mission et mon occupation continuelle est dauoir la vue sur eux pour les maintenir dans leurs bonnes Resolutions : pour les autres il vont mesme dans la pratique de la Vertu et me pressent continuellement de les instruire plus amplement de ce quils doivent faire pour Viure en bons Chretiens.

(Juin 1685.)



*Achevé d'Imprimer (d'après le Manuscrit
originel du Collège Ste Marie) par J.
Munsell, à Albany, ce 18 Feb. 1858.*

69 J.G. Shea

crit
J.

Shea